



Pâäjaskaggõöttmõš pohtt räämm

Šuurmõs kriistlaš prää'znik ee'jjpeei'vid liä vie'ttjam ju'n kolmmân ee'kken pannvuâkksain jeälain. Kristõs pâäjaskaggõöttâm rämmšaz prää'znik liä sķeu'nnjääm maai'lm, Euroopp da Lää'ddjânnam vue'jj vue'sšen pandemia kõõskâst da mâḅḅa vääin õtkksest.

Tää'sķ poddân še kriistlaš ceerkav saakk lij čiõlgg. Tõt kollai: Rämmše'ķed! Evanġe'lium čuõvat mi'jjid åask, što tää'sķest lij raaj. Ođđ jie'llem Isõs Kristõsõõzzâst vuâitt looppâst tää'sķid.

Tân ee'jjpeei'v evanġe'liumte'kstt lo'ķķe Johannes evanġe'liumâst. Nuu'bb ee'jjpeei'v te'ksttputâtklmest jiiġjan vuâmmšõs Kiddâvv Magdala Maria nelljen sânnâ: *"Mon leäm vuâinnam Heärr!"* (Joh. 20:18) Magdala Maria, õhtt Isõõzz ââldmõs seu'rrjee'jin, lij Johannes evanġe'liumâst vuõssmõs pâäjaskaggõöttmõõžž tuõđšteei.

"Mon leäm vuâinnam Heärr!" Tâk liä Vuâsppâ'd eettmõõžžâst tuõđšteei sää'n. Tõk mainste Vuâsppâ'd eettmõõžžâst čuõvvâdvuõđstes. Evanġe'liumin Isõs õčndâtt Vuâsppâ'd Pärnnen måttmin va'stteemnellšem teivvmõõžžin: joullmainnsin, Isõõzz risttõöttâm poodd, Čuõvnmvää'rest Mooses da Eliain de pâäjaskaggõöttâm tue'lää da tõn puõ'tti pooddin Kristõs âlmma mõõnnâm räġja.

Määḅḅain paai'ķin kovvee tõn, mä'htt rämm da älmõõvnmõš seu'rrje täid kiččlâsttmõõžžid. Rämm vää'ldi lokkuu'si tuâgga nârrijam mått'tempäärnâid. Peâtтар leäi ä'lššânji raajjmen kuä'did Čuõvnmvää'rest. A'ḅġġel i'lmmti šuurâst räämmast sauzpeâmmjid.

Tõn rammu täättam tuu kâččad. Vuâsppâ'd tätt lij, što rämmšõõđčim. *Rämmše'ķed pâi Heärrast!* Pâkk Ķe'rġġ filippnii'ķķid (Fil. 4:4). Nu'tt jiânnai ġu jie'llma čä'ķķe vaiggâdvuõđ da mue'ķķ, lij mee'st låâ'pp še rämmšed räämm poddân. Kristõs lij pâäjaskaggõöttâm, rämmše'ķed!

Ee'jjpeei'v vue'lnn 2023

Jukka Keskitalo
Oulu aa'rhelkää'dd piisp